



Ned ning sēn wēena wēenego, tī yēnda yaa wēngda a wēenegā pugē, n rat n na n pasg līslaam arzeka, a segda Wēnd t'A yaa sēn gē ne-a

Yii a ‘Abd Allaah [bn Mus‘ūd nengē, (Wēnd yard be a yīnga), a yeelame: Wēnd Tēn-tuomā, (Wēnd puusg la A tūlgr be a yīnga) yeelame: «Ned ning sēn wēena wēenego, tī yēnda yaa wēngda a wēenegā pugē, n rat n na n pasg līslaam arzeka, a segda Wēnd t'A yaa sēn gē ne-a». A yeelame: t'a Al-Aš‘as yeele: Ad rēnda yū mam poorē la gomd-kāngā yeel yā, la ad goam n rag n be maam la Yuhuud suka, t'a kuse, tī mam tall-a n kēng Nabiyāamā nengē (Wēnd puusg la A tūlgr be a yīnga), tī Wēnd Tēn-tuomā yeel maam: «Fo tara kaset bu?» Tī mam yeele: ayoo. A yeelame: t'a yeel Yahuudā: «Wēene». A yeelame: mam yeele: Wēnd Tēn-tuomā: sā n yaa woto a na n wēename la a loog ne mam arekā, tī Wēnd siki, (A Naam zēk yā): {Ad sēn tekd-b Wēnd pulengā la b koosd-b ne ligd bilfu} n tug n tāag Aayarā baasgo.

[Naṣuṇ Ṣaḥuḥuṇ (Gom-sikdem sēn manege)] [B zemsa taab a zugu (A Al-Buḥaariy la a Muslim n reeg-a)]

Nabiyāamā (Wēnd puusg la A tūlgr be a yīnga) bugsame tī b ra wēen ne Wēnde, wēeneg ninga, tī wēendā yaool n miē tī yaa zīri ye, n rat n na n paam n soog ne wēen-kāngā, a to arzeka, tī ad a na n sega Wēnd t'A yaa sēn gē-a, la a As-as [bn Kays (Wēnd yard be a yīnga) yeele, tī Nabiyāamā (Wēnd puusg la A tūlgr be a yīnga) a yeel gomd-kāngā wakat ninga tak-n-taar sēn da be yēnda la Yahuuda suka, Tēng poorē, tī b na n tug n bu Nabiyāamā nengē (Wēnd puusg la A tūlgr be a yīnga), tī Nabiyāamā yeel a Al-aš‘ase: Fo tara kaset sēn wilgd tī yaa foom n so zīigā, la fo sā n kongē, f ka tar sēn na n maane, rēnda fo zabd-n-taagā sēn na n wēenā, la a Al-aš‘as yeel yā: Wēnd Tēn-tuomā, sā n yaa woto, Yahuudā na n sak n sūd wēename, bala a ka zoet Wēnde, tī mam arzekā na n looga zaalem, tī Wēnd na n sik Aayarā n na n sūdgomd-kāngā ne A koεeg sēn yeele, (A Naam yūlg yā): (Ad sēn tekd-b Wēnd pulengā la b koosd-b) la ne Wēnd Alkaoolā (ne ligd bilfu) n paam n reeg lidg sēn yaa bilfu, dūni wā yēla (bāmb rāmbā b pa tar puur Yaoolem raarā ye) b ka par zugdo yaoolem raarā, puur ka be (la Wēnd kōn gom ne-b ye) ka na gom ne-ba gom sēn noogd b sūur la nagd-b ye, A na n gē-b lame (A pa na n ges-b Dūni-yikr raar ye) A ka na n ges-b yolg gesg dūni yikr rar ye (A pa na n yūlg-b ye) A ka na n yūlg-b ne pēgr sēn be neer ye, A ka na n yūlg-ba ne yaafa, sēn yaa zūnuub la rēgd yaaf ye (b tara namsg sēn zabde) b sēn maan tuumd ningā yīnga.

النجاة الخيرية
ALNAJAT CHARITY

